

握靈本草

序

吾友王子翰臣家於嚠之

東臯與余兄弟稱宿昔交

其文章環瑋苞羽當世海

內稱名孝廉者三十餘年
矣少工帖括卽兼通靈素
之書此其志誠有大過人
者或曰翰臣以理學爲儒

宗才擅經濟而抑於時令
繫其騫騰乃埋光剗采退
而學醫亦佗僚不聊者之
爲也或曰翰臣寄跡於醫

不過如太公之屠子陵之
釣君平之卜安石之圍棋
曼倩之射覆若高人遊戲
焉者而非以是炫聲上手

以求名於後世者此皆非
淡知翰臣者也夫醫之爲
術雖以之活人而其道實
通乎治世古者伊尹醫殷

太公醫周而二姓以王百
里醫秦申庶醫郢原季醫
晉范蠡醫越管仲醫齊而
五國以霸翰臣抱醫天下

之才而無所用故託之刃
圭家以自顯其繕生救死
之力今其術效矣自委巷
達於京邑王公貴人以及

輿臺之細凡罹疾厄者翰
臣對脈裁方投一劑而病
立起時以爲倉公苗父無
以過之於以全活人無算

是卽翰臣之旂常卣鼎也
豈其絕育功名而聊於醫
焉寄寓者哉昔有熊氏咨
於雷岐著內經本草爲主

治之寶經翰臣矻首窮研
綜其指要洞筋擢髓著爲
四部奇書而握靈本草其
一種也余受而讀之其考

校精嚴語致淵渺無一不
宣暢軒岐爲後代四家綜
核正傳自翰臣之書出而
仙翁金匱涓子鬼遺皆說

鈴也况其餘乎夫以翰臣
之學術不得爲良相乃屈
而爲良醫假一旦迎以安
蒲位以台輔俾得調燮陰

陽登斯民於仁壽免一世
之凶札其弘濟之略首於

是編乎徵之然世固未有

知翰臣者而翰臣之志亦

大可見矣是爲序

時

康熙癸亥仲秋中浣三日

年家眷弟徐秉義題於

一一瀟書屋



握靈本草序

昔人謂不通天地人不可以爲儒吾以爲不通天地人并不可以爲醫儒與醫業有大小理無大小也何則人稟天地之氣以生天有四時以制十二月人亦有四肢以制十二節天有十二月以制